

TUSARNIAANEQ PILLUGU ALLAKKIAQ

Uunga siunnersuut: Kommunit aqunneqarnerat pillugu Inatsisartut inatsisaat nr. xx, xx. xxx 2017-imeersoq

Naalackersuisut 2017-imi 11. maajimiit 25. juunimut siunnersuut tusarniaassutigaa.

Inatsisartut inatsisissaattut siunnersuut ukununnga tusarniaassutigineqarpoq:

Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, KANUKOKA, KANUNUPE, Aningaasaqarnermut Sulisoqarnermullu Aqutsisoqarfik, BDO, Deloitte, GE, SIK, AK, PIP, DJØF, IMAK, Naalackersuisut Siulittaasuata Naalackersuisoqarfia, Pinngortitamut Avatangiisinullu Naalackersuisoqarfik, Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisoqarfik, Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfik, Aalisarnermut Piniarnermullu Naalackersuisoqarfik, Aningaasaqarnermut Akileraartarnermullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Peqqissutsimut Naalackersuisoqarfik, Namminiilivinnermut, Nunanut Allanut Nunalerinnermullu Naalackersuisoqarfik kiisalu Aatsitassanut Ikummatissanullu Naalackersuisoqarfik.

Makkunangga tusarniaanermut akissutit 18-it tiguneqarput:

Naalackersuisut Siulittaasuata Naalackersuisoqarfia, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Aningaasaqarnermut Akileraartarnermullu Naalackersuisoqarfik, Aningaasaqarnermut Sulisoqarnermullu Aqutsisoqarfik, Akileraartarnermut Aqutsisoqarfik, Peqqissutsimut Naalackersuisoqarfik, Peqqinnissamut Pitsaaliunermullu Aqutsisoqarfik, Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisoqarfik, Aatsitassanut Ikummatissanullu Naalackersuisoqarfik, Aalisarnermut Piniarnermullu Naalackersuisoqarfik, KANUKOKA, Qeqqata Kommunia, Kommune Kujalleq, Kommuneqarfik Sermersooq, IMAK, AK, SIK aamma GE.

Ataani takuneqarsinnaapput tusarniaanermi akissutit tassungalu oqaaseqaatit.

Nr.	Tusarniaaffigisaq	Oqaaseqaatit	Oqaaseqaatinut nassuiaatit
1	Naalackersuisut Siulittaasuata Naalackersuisoqarfia	Naalackersuisoqarfik oqaatsit atorneqartut pillugit arlalinnik taasaqarpoq. Taassuma saniatigut Naalackersuisoqarfik oqaatigaa	Oqaatsit atorneqartut aaqqinneqarput. Inatsisissatut siunnersuummi § 58-imut nassuiaatit

UKA 2017/106

KNIAIN - Suliaq normu: 2017 - 17261

		siunnersuummi § 58-ip nassuiaataa PFA Soraarneq pillugu allannguutit assigilerlugit allangortinneqartariaqartut.	assigiissilerlugit allangortinneqarput.
2	Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik	Naalackersuisoqarfiup kissaatigisimavaa nunaqarfinnut aqutsisunut najukkanilu ataatsimiititalianut aningaasat atugassatut immikkoortitsinikkut kommunalbestyrelsit susassaqarfinnut inatsit naapertorlugu pisussaaffii atuutiinnassasut. Taassuma saniatigut aningaasat atugassatut immikkoortinneqartut ataatsimut aningaasaliissutaanerat ataatsimiititaliallu namminneq qanoq atorpeqassanersut aalajangersorsinnaagaat imaluunniit kommunalbestyrelsit aningaasat qanoq annertutigisut sumullu atorpeqassanersut aalajangertussaagaat ersarissaqquneqarput.	Naalackersuisoqarfiup kissaataa inatsisissatut siunnersuummi § 32, imm. 3-mut aamma § 44, imm. 2-mut nassuiaatinut ilanngunneqarpoq. Aningaasat atugassanngorlugit immikkoortitat ataatsimut tapiissutaapput kommunalbestyrelsip nunaqarfinnut aqutsisut najukkanilu ataatsimiititaliat siunertaannut atugassanngorlugit tunniunneqartussat, inatsisissatut siunnersuummi § 32, imm. 3 aamma § 44, imm. 2 takuuk. Kommunalbestyrelsep aalajangersinnaavaa aningaasat qanoq annertutigisut siunertanut sorlernut atorpeqassanersut, pissutigalugu nunaqarfinnut aqutsisut najukkanilu ataatsimiititaliat oqartussaanerat kommunalbestyrelsimit tunniunneqarmat.

		<p>Tassunga atatillugu aningaasat suliniutinut, matumanilu sanaartornermut, kulturikkut, timersornermut allanulluunniit susassaqtitsinernut peqatigiiffinnut namminersortunilluunniit ingerlanneqartunut siuarsaanermut qanoq annertutigisumik atorreqarsinnaanersut ersarissarneqarnissaat kaammattuutigineqarpoq.</p> <p>Aammattaaq tusarniaaffigineqartoq kaammattuivoq nunaqarfinnut aqutsisunut najukkanilu ataatsimiititalianut nakkutilliineq kommunalbestyrelsip suliaassarigaa imaluunniit tamanna Naalakkersuisut kommuninut nakkutiginnittussaanerisa ilagigaat ersarissarneqassasoq.</p> <p>Naggataatigut tusarniaaffigineqartup kissaatigaa nunaqarfinni ataatsimiititaliap piginnaatitaaffii nalinginnaasuunerat, tassa inatsisitigut aalajangersagaanerat, imaluunniit piginnaatitaaffik kommunalbestyrelsip oqartussaaffianiinnera ersarissarneqassasoq.</p>	<p>Tamanna nunaqarfinnut aqutsisut najukkanilu ataatsimiititaliat suliniutinut taamaattunut aningaasaliisinnaanissaanut nalilersuinermit tunngavoq.</p> <p>Kommunalbestyrelse nunaqarfinnut aqutsisunut ataatsimiititalianullu nakkutilliisassaaq, inatsisissatut siunnersuummi § 1, imm. 1, § 25, imm. 1, nr. 1 aamma § 45, imm. 2 takukkit.</p> <p>Kommunalbestyrelsi aningaasanik atugassanngortitsissaaq najukkani ataatsimiititaliat nammineerlutik atorsinnaasaannik. Najukkani ataatsimiititaliat iliuseqarsinnaassusaat inatsisitigut aalajangersagaangilaq, pissutigalugu inatsisissatut siunnersuummi siunertarineqartunut aningaasanik immikkoortitsinissamut kommunalbestyrelsip</p>
--	--	--	--

			oqartussaaffianiimmat, inatsisissatut siunnersuummi § 32, imm. 3 takuuk.
3	Aningaasaqarnermut Akileraartarnermullu Naalakkersuisoqarfik	Oqaaseqaateqartoqanngilaq.	
4	Aningaasaqarnermut Sulisoqarnermullu Aqutsisoqarfik	Tusarniaaffigineqartup siunnersuut taperserpaa. Taamaakkaluartoq tusarniaaffigineqartup kaammattuutigaa § 59, imm. 1-imi oqaaseq 'atorfillit pillugit inatsit' peerneqassasoq 'inatsit'-millu taarserneqarluni.	Aqutsisoqarfiup kissaataa inatsisissatut siunnersuummi § 59, imm. 1-mut ilanngunneqarpoq.
5	Akileraartarnermut Aqutsisoqarfik	Tusarniaaffigineqartup § 32, imm. 9-mi aamma § 62, imm. 1-imi kukkunerisiuinnermi aaqqitassat taavai.	kukkunerisiuinnermi aaqqitassat aaqqinneqarput.
6	Peqqissutsimut Naalakkersuisoqarfik	Oqaaseqaateqartoqanngilaq.	
7	Peqqinnissamut Pitsaaliuinnermullu Aqutsisoqarfik	Attuumassuteqartunik oqaaseqaatissaqanngilaq.	
8	Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfik	Tusarniaaffigineqartoq Isumaginnittoqarfiup aqunneqarnera aaqqissuussaanageralu pillugit Inatsisartut peqqussutaata allanngortinneqarneranik Inatsisartut inatsisaat nr. 14 af 6. juni 2016-imeersumut innersuussivoq (Isumaginninnermi malittarisassanik kommunit aqutsinerannik	Oqaaseqaat inatsisissatut siunnersuummut attuumassuteqanngilaq.

		atorunnaarsitsineq)	
9	Aatsitassanut Ikummatissanullu Naalakkersuisoqarfik	Oqaaseqaateqartoqanngilaq.	
10	Aalisarnermut Piniarnermullu Naalakkersuisoqarfik	Oqaaseqaateqartoqanngilaq.	
11	KANUKOKA	<p>Tusarniaaffigineqartoq tusarniaanermut akissutip saniatigut allakkiamik nassiusaqarpoq.</p> <p>Tusarniaaffigineqartoq KANUKOKA Inatsisartut inatsisaanni peerneqarnissaanut ataatsimut isigalugu akerliuvoq.</p> <p>Taamaalilluni tusarniaaffigineqartup KANUKOKAp ataatsimut isumaqatiginninniartartuunerata atorunnaarsinnissaanut akerleraa, pissutigalugu kommunit minnerit pilliutigalugit Kommuneqarfik Sermersooq aamma Avannaani kommunit annersaasa tullia pitsaanagerusunik atugassinneqassammata.</p> <p>Tusarniaaffigineqartoq kommuninut nuna tamakkerlugu peqatigiinnissaasa pingaassusaa pingaartilluinnarpaa tamassumalu qulakkeernissaanut aaqqiissutissanik ujartuinissamut aallartittoqarnissaanik aalajangerlutik.</p>	Oqaaseqaatit siunnersuummi allanngortitsinissamik tunngavissinngillat.

		<p>Tusarniaaffigineqartoq kommunalbestyrelsit najukkani ataatsimiititalianik pilersitsisussaasussanngornissaat isumaqataaffigisinnaanngilaat. Tusarniaaffigineqartoq inatsimmut attuuttumut innersuussivoq, taanna nunaqarfinnut ataatsimiititaliamik pilersitsisinnaatitsivoq. Sumiiffimmi sinniisoqarnissamik periarfissat atuuttut atorluarneqarnissaat sumiiffinni innuttaasut peqataatinnissaanut periusiuvoq pitsaannerusiq pisariinnerusorlu. Najukkani ataatsimiititalianik atuutilersitsineq kommuninut allaffissornikkut aningaasartuuteqarnerulersitsiinnassa aq</p> <p>Taassuma saniatigut nunaqarfinni aqutsisut aalajangiisinnaassutsimik tunineqarnerisa aningaasanillu atorneqarsinnaasunik tunniussinerup ataqatigiinnginnerat tusarniaaffigineqartup erseqqissaatigaa.</p>	<p>Naalakkersuisut massumunnga ilanngutissavaat 2009-imi kommunit kattunnerisa kingorna innuttaasut oqartussaaqataanerulernissaat pingaaruteqartoq. Taamaammat siunnersuummi allassimavoq illoqarfinni kommunit allaffeqarfiisa pingaarnertut inissisimaffiginngisaanni najukkanut ataatsimiititaliortoqassasoq. Taamaalillutik najukkani ataatsimiititaliat Kommunalbestyrelsimi sumiiffiup sinniisussaannik qinersinermut aaqqissuussaq atuutereersumut iluaqutaassapput. Najukkami ataatsimiititaliaqarnermut aningaasartuutit missingersuutitigut killiliussaareersuni nassaarineqarsinnaasarnissaat naatsorsuutigineqarpoq.</p> <p>Kommunalbestyrelsi nunaqarfinni aqutsisunut nammineerlutik atorsinnaasaannik aningaasanik atugassanngortitsissaaq. Nunaqarfinni aqutsisut iliuuseqarsinnaassusaat inatsisitigut aalajangersagaanngilaq,</p>
--	--	--	---

		<p>Naggataatigut tusarniaaffigineqartup eqqaavaa Naalackersuisut KANUKOKAp oqariaartuutai tusaajumangippagit KANUKOKA uani suliami politikikkut aalajangiinissamut ingerlatsinermut peqataanngilluinnassasoq.</p> <p>Allakkiami ilanngussami allassimavortaaq tusarniaaffigineqartoq isumaqartoq Naalackersuisuni kommuninilu sulisut akissarsiassaasa atorfeqarnerannilu atugassarititaasa assigiiaarnissaannut tunngavik atorunnaarsinneratigut kommunit amerlanerussuteqartut KANUKOKA kommunit tamaasa sinnerlugit isumaqatiginninniuteqarsinnaatilerni ssaat inatsisit naapertorlugit (Grundlovimi aamma Namminersorneq pillugu inatsimmi tunngaviliussani) periarfissatuaassasoq.</p> <p>Nunaqarfinni aqutsisut</p>	<p>pissutigalugu inatsisissatut siunnersuummi siunertarineqartunut aningaasanik immikkoortitsinissamut kommunalbestyrelsip oqartussaaffianiimmat, inatsisissatut siunnersuummi § 44, imm. 2 takuuk.</p> <p>Naalackersuisut, KANUKOKAp, Qaasuitsup Kommuniata, Qeqqata Kommuniata, Kommuneqarfik Sermersuup Kommune Kujalliullu akornanni Naalackersuisuni kommuninilu sulisut akissarsiassaasa atorfeqarnerannilu atugassarititaasa aalajangersarneqarnerat pillugu 17. november 2016-imi isumaqatigiissut innersuussutigineqarpoq.</p>
--	--	---	---

	<p>aalajangiisinnaassutsimik tunineqarnerisa aningaasanillu atorneqarsinnaasunik tunniussinerup ataqatigiinngillat</p> <p>Siunnersuummi Najukkami ataatsimiititaliamik pilersitsisussaasunngortitsineq maannatut isikkoqartillugu pissusissamisunngilaq allaffissornikkullu ajoqutaaginnassalluni, aamma kommunini innuttaasut oqartussaaqataanerulernissaannut nukittorsaataangilaq.</p> <p>Tusarniaaffigineqartoq aamma § 1, imm. 2-imut teknikikkut oqaaseqaatinik arlalinnik saqqummiussivoq, aqutsinermi malittarisassatigut allanguisoqarnissaanut eqaannerusumik aaqqissuussinissamik ujartuilluni.</p> <p>§ 5-imi kommunaldirektøritut atorfiup inuttalerneqarnerata erseqqissarneqarnera peerneqartariaqarpoq, tassa tamanna § 25, imm. 1, nr. 2-imi takuneqareersinnaammat, kiisalu allaffeqarfiup aaqqissuunnissaa kommunalbestyrelsit ataasiakkaat aalajangiiffigisussaammassuk.</p> <p>§ 8-imi ataatsimiinnissamut pilersaarutip ukiup naatsorsuusiorfiusup aallartinnerani</p>	<p>Siuliiniittut takukkit.</p> <p>Siuliiniittut takukkit.</p> <p>Oqaaseqaatit siunnersuummi allanngortitsinissamik tunngavissinngillat.</p> <p>Oqaaseqaatit siunnersuummi allanngortitsinissamik tunngavissinngillat.</p> <p>Oqaaseqaatit siunnersuummi allanngortitsinissamik tunngavissinngillat.</p>
--	--	---

		<p>tamanut saqqummiunneqartarnissaa pillugu malittarisassap allangortinneqarnissaa eqqarsaatigineqartariaqarpoq.</p> <p>§ 16 allatut oqaasertalernerneqartariaqarpoq, tassa ataatsimiinnermi imaqarniliat amerlanertigut ataatsimiinneq naammassiinnartoq naammassillugit aaqqissuunneqarneq ajormata.</p> <p>§ 34, imm. 3-imi erseqqissarneqartariaqarpoq pisinnaatitaaffik taanna ataatsimiititaliat aaqqissugaanerisa allangortinneqartup akuerineqarneranut taamaallaat atuuttoq.</p> <p>§ 36, imm. 4-imi kaammattuutigineqarpoq, ilaasortassamut kingullermut kisitsisitigut naligiittoqarpat makitsineq taamaallaat tulluussinnaasoq aalajangersakkami erseqqissarneqassasoq.</p> <p>§ 50, imm. 1, nr. 3-p oqaasertalernera toqqaasarnermi periutsit pillugit nalornisitsivoq, tunngaviusumilli kommuniniit ataatsimoorluni toqqaanerup kingunerissallugu kommunit</p>	<p>Kommunalbestyrelsi ataatsimeeqqammiinnartorlu imaqarniliap atsiorneqarsimanissaanut piumasaaqat 2011-imi peerneqarpoq, tak. kommunini aqutsineq pillugu Inatsisartut inatsisaanni nr. 22, 18. november 2010-imeersumi § 16.</p> <p>Kaammattuut inatsisissatut siunnersuummi § 34, imm. 3-imi ilanngunneqarpoq.</p> <p>Kaammattuut inatsisissatut siunnersuummi § 36, imm. 4-imi ilanngunneqarpoq.</p> <p>Oqaaseqaatit siunnersuummi allangortitsinissamik tunngavissinngillat.</p>
--	--	--	---

		<p>aalajangiinerini amerlanerussuteqartut aalajangiinerisigut ilaasortat toqqarneqassasut. Kommunit ataasiakkaat nammineq ilaasortaatitassaminnik taasippata taava ajornartorsiutinngussaaq.</p> <p>Kiisalu tusarniaaffigineqartup ILO- mi isumaqatigiissutinut pingaarutilinnut akissarsiat pillugit illuinnaasiorluni isumaqatigiinniarnert akerliunerinut innersuussilluni, kaammattuutigalugulu suliatigut peqatigiiffinnik isumaqatigiinniarnernut naleqqiullugu piginnaasat agguarnerinik malittarisassaliorneq inatsisitigut isiginiarneqassasoq.</p>	<p>Naalakkersuisuni kommuninilu sulisunut akissarsiatigut atorfininnermilu atukkat aalajangersarnerinut atatillugu isumasioqatigiinneq ataqatigiissaarinerlu pillugit Naalakkersuisut, KANUKOKA-p, Qaasuitsup kommuniata, Qeqqata Kommuniata, Kommuneqarfiup Sermersuup aamma Kommune Kujalliup akornanni ulloq 17. novembari, 2016-imi isumaqatigiissummut innersuussisoqarpoq.</p>
12	Qeqqata Kommunia	<p>Tusarniaaffigineqartup kissaatigaa siunnersuummi § 32-p oqaasertalernera '-sussatut' aalajangersakkatuunngitsoq kisiannili '-sinnaasutut' aalajangersakkatut inissinneqassasoq, aamma kommunip ataatsimiititalianik siunnersuisartunik pilersitsereersimaneranut sumiiffinnilu kommunalbestyrelsip ataatsimiittarneranut</p>	<p>Naalakkersuisut tassunga oqaatigissavaat 2009-imi kommunit kattunnerisa kingorna qanigisani tamat oqartussaaqataanerisa pitsaanerulernissaat pisariaqartinneqartoq. Siunnersuutip taamaattumik aalajangersarpaa illoqarfinni kommunip ingerlatsiviata qullersaqarfiginngisaani sumiiffinni</p>

		<p>innersuussilluni.</p> <p>Nunaqarfinni aqutsisut aningaasanik atugassanik immikkoortitsisoqarnissaa tusarniaaffigineqartup tapersersorpaa.</p> <p>KANUKOKA-p inatsisartut inatsisaannit isumaqatigiinniartartutut peerneqarnerata kingunerisaanik isumaqatigiinniarnermi peqataasussamik kommunit piviusumik qanoq toqqaasassanersoq erseqqikkunnaartoq tusarniaaffigineqartup uparuarppaa. Toqqaanerup qanoq ingerlasarnissaata inatsisartut inatsisaanni erseqqissumik takuneqarsinnaanera tusarniaaffigineqartup taamaattumik kissaatigaa.</p> <p>Tusarniaaffigineqartup aamma § 59-imut kalaallisoortaata aamma danskisut oqaasertaata akornanni naapertuuttoqannginnera uparuarppaa.</p> <p>Naggasiullugu tusarniaaffigineqartup kissaatigaa ataatsimiinnerni peqataanermi ilaasortaak akissarsianik ilanngaaffigineqarpat</p>	<p>ataatsimiititalianik pilersitsisoqassasoq.</p> <p>Naalakkersuisuni kommuninilu sulisunut akissarsiatigut atorfininnermilu atukkat aalajangersarnerinut atatillugu isumasioqatigiinneq ataqatigiissaarinerlu pillugit Naalakkersuisut, KANUKOKA-p, Qaasuitsup kommuniata, Qeqqata Kommuniata, Kommuneqarfiup Sermersuup aamma Kommune Kujalliup akornanni ulloq 17. novembari, 2016-imi isumaqatigiisummut innersuussisoqarpoq.</p> <p>Naapertuuttoqannginnera iluarsineqarpoq.</p> <p>Akissarsiatigut maannakkut aaqqissuussinerup aalajangiussimaneqarnissaa Naalakkersuisut kissaatigaat,</p>
--	--	---	--

		kommunalbestyrelsimi ilaasortat taarsiiffigineqartarnissaat ilanngunneqassasoq.	tassa pensionissanik ileqqaarnermi annaasanut taarsigassarsisarnerup eqqunneqarnera nalilerneqarmat taamatut aaqqissuussinerup aqunneqarnerani aningaasartuutitut naammaginartumik naammaginangitsuusoq.
13	Kommune Kujalleq	Tusarniaaffigineqartoq KANUKOKA-p tusarniaanermi akissutaanut tapersersuivoq ilassutigalugulu oqaatigalugu nunap immikkoortuani sinniisuisa aalajangersimasunik sunik suliaqartarnissaannut iluaqutaasumik isummertoqarsinnaasoq.	KANUKOKA-p tusarniaanermi akissutaani oqaaseqaatinut innersuussisoqarpoq.
14	Kommuneqarfik Sermersooq	Tusarniaaffigineqartup kissaatigaa kommunalbestyrelsimi ilaasortat maannakkut amerlanerpaaffissaat allangortinneqassanngitsoq.	Kommuneqarfik Sermersuumi kommunalbestyrelsimi ilaasortat amerlanerpaaffissaat 21-init 19-inut appartinneqarput, tassa pinngitsoorani sumiiffinni ataatsimiititalianik aamma aningaasaliissutit nunaqarfinni aqutsisut oqartussaaffigisaasa eqqunneqarnerisigut aamma sumiiffinni tamat oqartussaaqataanerat pitsaanerulersinneqassasoq siunnersuutigineqarmat.
		Aammattaaq tusarniaaffigineqartup	Oqaaseqaatit siunnersuummi

		<p>kissaatigaa Nakkutilliinermi siunnersuisoqatigiinni ilaasortassanik toqqaanermut aalajangersimasumik suleriaatsimik suliaqartoqassasoq, taamaalilluni tamat oqartussaaqataa nerat tunuliaqutaralugu toqqaasoqartarnissaa qulakkeerneqarluni.</p> <p>Aammattaaq tusarniaaffigineqartumit kaammattuutigineqarluni aningaasaqarnermut ataatsimiititaliani siulittaasup tullissaanik toqqaasoqarnissaanut periarfissiisoqassasoq, piffissami qinigaaffiusumi ilaasortat tunuarneri pillugit inatsisit qinersisarnermi inatsimmi ilaatinagu aqutsinermi inatsimmut ilanngunneqassasoq, kiisalu siusinnerusukkut kommunit kommunitut ilisarnaataannut pisinnaatitaaffiit qulaajaaffigineqassasut.</p>	<p>allanngortitsinissamik tunngavissinngillat.</p> <p>Oqaaseqaatit kommunimut pilersaarutissatut siunnersuummut allannguaviannngillat. Siusinnerusukkut kommunit kommunitut ilisarnaataannut pisinnaatitaaffiit inatsisissatut siunnersuummi § 2-mit takuneqarsinnaapput kommunini ingerlataqarfiisa aaqqissuuteqqinneri pillugit Inatsisartut inatsisaanni nr. 14, 19. november 2007-imeersumi § 22, imm. 2-mut aamma kommunini ingerlataqarfiisa aaqqissuuteqqinneri pillugit Inatsisartut inatsisaanni nr. 30, 28. november 2016-imeersumi § 19, imm. 1-imut sanilliullugu.</p>
15	IMAK	<p>Isumaqatigiissutit isumaqatigiinniutigineqassatillugit KANUKOKA kisiat pinnagu kommunit tamaasa Naalackersuisunit ilanngutitinneqarnerinik § 59 kinguneqassappat</p>	<p>Naalackersuisuni kommuninilu sulisunut akissarsiatigut atorfininnermilu atukkat aalajangersarnerinut atatillugu isumasioqatigiinneq ataqaatigiissaarinerlu pillugit</p>

		<p>tusarniaaffigineqartup siunnersuut tapersersorpaa.</p> <p>Peqatigisaanik tusarniaaffigineqartup uparuarppaa kommuninik ataasiakkaanik kattuffik isumaqatigiinniassappat siunnersuut tapersersorneqanngitsoq, taannalu Naalackersuisut aamma IMAK-ip akornanni tunngaviusumik isumaqatigiissutaannut atuuttumut akerliussalluni.</p>	<p>Naalackersuisut, KANUKOKA-p, Qaasuitsup kommuniata, Qeqqata Kommuniata, Kommuneqarfiup Sermersuup aamma Kommune Kujalliup akornanni ulloq 17. novembari, 2016-imi isumaqatigiissummut innersuussisoqarpoq.</p>
16	AK	<p>Tusarniaaffigineqartoq isumaqarpoq inatsisissatut siunnersuutip kommunini akissarsiatigut atorfinitsitsinermilu atukkat assigjiaartunik allangortinnginnissaannut periarfissat annertuumik ajornerulersissagai aamma namminersorlutik oqartussanik akissarsiatigut naapertuilluannngitsumik unammilleqatigiinneq pinngitsoortinneqassalluni KANUKOKA pingaarnertut isumaqatigiinniartartut inissisimaneranit arsaarneqarpat.</p> <p>Tusarniaaffigineqartup uparuarppaa KANUKOKA-p inatsisartut inatsisaanniit peerneqarnera piviusumik sunniuteqarnaviannngitsoq, tassa nunami kommunit amerlanersaat kommunit sinnerlugit</p>	<p>Naalackersuisuni kommuninilu sulisunut akissarsiatigut atorfininnermilu atukkat aalajangersarnerinut atatillugu isumasioqatigiinneq ataqatigiissaarinerlu pillugit Naalackersuisut, KANUKOKA-p, Qaasuitsup kommuniata, Qeqqata Kommuniata, Kommuneqarfiup Sermersuup aamma Kommune Kujalliup akornanni ulloq 17. novembari, 2016-imi isumaqatigiissummut innersuussisoqarpoq.</p>

		isumaqatigiinniarnerni suliassamik KANUKOKA isumaginnissaasoq suli piumasarisinnaammassuk.	
17	SIK	SIK-ip sumiiffinnik ataatsimiititalianik pilersitsisoqarnissaa tapersersorpaa. Akissarsiatigut atorfinitsitsinermilu atukkatigut kommunini assigiinngitsoqalernissaa pillugu SIK aamma sulerusuppoq.	Naalakkersuisuni kommuninilu sulisunut akissarsiatigut atorfininnermilu atukkat aalajangersarnerinut atatillugu isumasioqatigiinneq ataqatigiissaarinerlu pillugit Naalakkersuisut, KANUKOKA-p, Qaasuitsup kommuniata, Qeqqata Kommuniata, Kommuneqarfiup Sermersuup aamma Kommune Kujalliup akornanni ulloq 17. novembari, 2016-imi isumaqatigiissummut innersuussisoqarpoq.
18	GE	Oqaaseqaateqartoqanngilaq.	